

oder Zirckel / Linien oder Seyten / wil ich an einem anderen
Orthe (doch auch in diesem Büchlein) wil Gott / schreiben.

Mercke.

In einem jeden Triangel kan die lengste Linie nicht len-
ger sein / denn die andern zwo Linien zusammen machen.

In einem jeden Triangel kan die kürzste Seyte nicht
kürzer sein / denn der Rest welcher vberbleibet / wenn man die
mittelste Linie von der grösten nimpt. Weitern vnd mehrern
bericht findestu im 58. Exempel.

21.

Wie man die Dreyeckichten Felder er-
kennen sol.

Erstlich / wenn du ein Feldt wilt recht messen / so mustu
dich vor allen dingen gar wol erkündigen vnd besehen / was
es für ein forma oder gestalt hat / Ob es rechte weyte oder en-
ge Winckel hat / sonst kan man gar nichts recht messen / wie
etliche aus grossen vnuerstandt meynen. Was aber die rechte
währe arth vnd eigenschafft sey eines jeden gemelten Win-
ckels / wil ich dir jekund gar deutlich vnd gründlich mit Wors-
ten vnd Figuren anzeigen :

A Ist ein enger Winckel.



B Ist ein rechter Winckel.

C Ist auch ein enger
Winckel.

A Ist